

HALDANVS DANORVM REX.



H Aldanus magno corporis & animi fortitudine præditus, nulli suo tempore apud Septentrionales homines secundus extitit. Itaq; Gurithani Alffi regis Danorum filiam & heredem uxorem impetrauit, atq; per eam rex electus fuit. Antequā autem id fieret, suam fortitudinem multis documentis probauit. Nam solus cum duodecim fortissimis athletis manū conseruit, & quercu succisa ac in clavæ habitum redacta, eos prostrauit. Pari ratione fratrem Hildigerum per ignorantiam duelli certamine superauit, atq; Siuarum Saxonis principem, suum in Guritha competitorem, fortiter deuicit. His rebus peractis, & Giurtha & regno potitus fuit.

Itaque Danis is magna gloria, Anno Christi 300 præfuit, atq; tandem moriēs, Haraldum filium successorem reliquit. Sax. Gram. lib. 8.